


Isol Miksonganirangko Tarisoaha



Amazing Facts
Poraiani

17

Na·a

u-inaba donga je Sinai A-brio, Isol Mosena Ge-eta Mingchikkungko on-aha. Indiba apsan somoion, Isol Mosena nikronggijagipa nokko rikchina nosako sale on-jahama? Ukon toRomrangna tambu ine mingaha, ian dingtangmanchagipa toRomrangna nok ong-a jean Isol An-tangni manderang baksa donganiko mesokaha. Ia dingtangmanchadake tariani aro dangdike on-ani kamrangara nokkol itaoni jakgitel ong-atipa jatna janggi jokaniko rokom gittam daksamsoanichi mesokaha. ToRomrangna tambuni kamrangko namedake niaton Jisu maikai gimagipako jokatna aro mondoliko dilna kamko ka-ahachim, uni gimin chu-gimik aro bang-bate u-ie ra-na nang-ko dakchakgen.

ToRomrangna tambu adita aiao inmagipa katchinike agananirangni giminba u-ie ra-ani chabi ong-a. Gisiko nangatgipa sandianirangko dakani nangko sengoenga maina ia Poraiani toRomrangna tambu aro uni donnugimin ortonangni gimin sandianiko dakgen.



1


Maiko Isol Moseko rikchina aganaha?

“Aro uamang angna toRomrangna tambuko dakchina, maikai anga uamangni gisepo dongna man-gen” (Reongkata 25:8).

Aganchakani: Jihova Moseko toRomrangna tambuko rikchina aganaha—dingtangmanchagipa rikani jean salgini Isol dongchakna man-ani ong-gen.

ToRomrangna Tambuni Gimin Kan-dike Talatani

A-bachenge rikgipa toRomrangna tambu namen nitogipa aro rongtalgipa, tambuchi ping-gipa ong-achim (gro gipeng 45 feet aro 15 feet) jeon Isolni dongpaani ong-a aro dingtangmanchagipa dangdike on-ani kamrangko ka-rongachim. Pakmarangko sonachi pa-dapgimin doktarangchi dakaha aro patrarangko krokani biaprangna uarangni nabakrangko sonachi pa-dapachim (Reongkata 26:15-19, 29). Nokingko mitapbri pindapanirangchi tariaha: Chingchreani ba-ra, do-bokni kimil, mes bipani bigil, aro susuni bigil (Reongkata 26:1, 7-14). Uno kuturi ge-gni dongaha: Rongtalgipa Biap aro Rongtalbatsranggipa Biap. Ritchagipa, jrimgipa dongpenggipa ba-ra (porda) jechin kuturi ge-gniko dingtangataha. ToRomrangna tambuni sarani apala 75 feet aro gro 150 feet ong-achim (Reongkata 27:18). Uko dotsotdok rupani go-olrangchi rikaha aro se-engipa mosinani ba-rarangchi duule kadingdeaha aro peng-aha (Reongkata 27:9-16).



2

Isol An-tangni manderangko ia toRomrangna tambuoniko maiko skie ra-aniko nangnikaha?

“Nang-ni re-ani, O Isol, rongtalgipa biapo donga: Isol gita sawa Dal-gipa ong-a?” (Gitrang 77:13).

Aganchakani: Isolni re-ani, janggi jokanina daksamsoaniko, a-gilsakni toRomrangna tambuo parape-aha. Sastro skianiko dakaha je toRomrangna tambuo pilakan—ma-chakani, jakkalani bosturang, aro dangdike on-ani kamrangara Jisuni an-chingko jokatna kam ka-anio chinrang ong-a. Iani ortode an-ching jejake chu-gimikan toRomrangna tambuni mesokgipa chinrangko ma-sia gita, janggi jokatani kamko ka-ani gimin chu-gimikan ma-sina man-a. Indake, ia Poraianiko dakanio nangchongmotani gimin ong-gija dake aganna man-ja.




3

ToRomrangna tambuko rikna noksa salanirangko Mose banoniko man-aha? la nokara bako dakjagringaha?

“Ia agananirangni skotong ian; indakgipa kamal dal-gipa an-chingni gngang, salgirango Dal-gipani singhasonni jakrao asonggipa, Mandeni ong-gija Gitelni ping-gimin chong-motgipa toRomrangna tambuni rongtalanirangko dangdike on-gipa ... Maina ua a-gilsako donggengchim, ua kamal mamung dakeba ong-jawachim, maina niam gita on-anirangko on-giparang gngang. lamang salginirangko dake mesokaniko aro jagringko manigiparang, Mose toRomrangna tambuko chu-sokatnasion skiako man-aha gitan; maina ua agana, Mikrakbo, a-brio nang-na mesokgimin mesokani gita pilakkon dakbo” (Ibriangna 8:1, 2, 4, 5).

Aganchakani: Isol An-tangan Mosena toRomrangna tambuko rikchina skianiko on-aha. Uan salgio donggipa chong-motgipa toRomrangna nokko dakjagringani ong-achim.



4

Mai jakkalani bosturang sa-rao dongachim?

Aganchakani:

- A.** Homni ganchi, jeon matburungranko boli on-aha, uko napchakramni ning-o donaha **(Reongkata 27:1-8)**. Ganchi Kristoni sichakgipa chisolko mesoka. Matburung Jisuko mesoka, jean chong-motgipa boli ong-a **(Johan 1:29)**.
- B.** Susrangchakani, uko ganchi aro toRomrangna tambuona napchakramni gisepo donaha, ian pitoloniko tarigimin dalgipa susrangchakgipa rachakani ongachim. Iano kamalrang an-tangtangni jakrangko aro ja-arangko hom boli on-na skang ba toRomrangna tambuo napna skang su-srangniko dakrongaha **(Reongkata 30:17-21; 38:8)**. Chiara paponi rongtalanitako aro gital dake atchitaianiko mesoka **(Titusna 3:5)**.



5

Mai jakkalani bostuko rongtalgipa biapo donaha?

Aganchakani:

- A.** Mesokani Pitani Tebil **(Reongkata 25:23-30)**. Ian Jisuko mesoka, tanggipa pita **(Johan 6:51)**.
- B.** Gasa Bolsni **(Reongkata 25:31-40)** iaba Jisuko mesoka, a-gilsakni seng-a **(Johan 9:5;1:9)**. To Gisik Rongtalgipako mesoka **(Zekaria 4:1-6; Parape-a 4:5)**.
- C.** Chachatni Ganchi **(Reongkata 30:7, 8)**. Ian Isolni manderangni bianirangko mesoka **(Parape-a 5:8)**.



6

Mai jakkalani bostuko rongtalbatsranggipa biapo donga?

Aganchakani: Ku-monggrikani Niam Sunduk, ian sangipa jakkalni bostu jekon

Rongtalbatsranggipa kuturio donaha (**Reongkata 25:10-22**), ian sonachi pa-daggimin shittim bolni sunduk ong-a. Bakosni kosako sonaoniko tarigipa sakgni sa-grerango donaha. Sa-gre sakgnini gisepo pap watram dongachim (**Reongkata 25:17-22**), jeon Isol dongaha. Ian salgio Isolni singhasonko mesokaha, jean sa-gre sakgnini gisepo dongaha (**Gitrang 80:1**).



7

Niam sundukni ning-o maia donga?

Aganchakani: Ge-eta Niam Mingchikkung, jekon Isol ro-ongni rong-plengrango seaha, aro jekon

Uni manderang pangnan manijringgenchim (**Parape-a 14:12**), uarango niam sundukni ning-o donahachim (**Deuteronomy 10:4, 5**). Indiba pap watramde uarango kosako ongaha, jean jena kingking Isolni manderang pap kurachake gisik pilgen aro papko watgalgen (**Toe Skianirang 28:13**), an-chichi pap watramni kosako kamalchi satkikianiko dake ka-sachakaniko on-dapaniko dakangkugenchim (**Levirangni 16:15, 16**).

Matbururngni an-chiara Jisuni an-chiko mesokaha jean pap kema ka-anina ong-atna nanggenchim (**Mati 26:28; Ibrirangna 9:22**).



8


Maini gimin matburunrangko toRomrangna noko dangdike on-anirango boli on-na nangaha?

"Aro niam gita pilakkon anchio rongtalata, aro anchi onggijade pap wata ongja"

(Ibrirangna 9:22). "Maina ian ku-monggrikani niamni angni an-chi, paprangko watanina bang-ana rugimin" **(Mati 26:28).**

Aganchakani: Matburunrangko boli on-aniko dakna nangani ong-a jedakode manderang Jisuni an-chi ong-atgijade, uamangni paprangko mamungdakeba watna man-jawachim ine u-ina dakchakgen. Namgijani, aro jagokmanatpil-gipa bebe ong-anide, papni dormahara jringjrotna sianian ong-a **(Romrangna 6:23)**. An-ching pilakan pap ka-ahani gimin, anching pilakan sianiko manna nangaha. Jensalo Adam aro Hoba pap kaahaon, Jisuna agre uamang pangnajolna sina nanggnokchim, indiba Jisu pilak mandeni sastina gamchakna An-tangni chu-soksranggipa janggiko boli on-aha **(Johan 3:16; Parape-a 13:8)**. Pap ka-ani ja-mano, Isol papi mandeko matburunrangko boli on-aniko nangnikaha **(Abachenga 4:3-7)**. Papi mande an-tangni jaktangchi matburunrangko so-otna nangahachim **(Levirangni 1:4, 5)**. Ian namen an-chi ong-atani aro jada changatani ong-pilahachim aro papi mandeko aiao inmangipa papni sastini biteko rana nangani gimin ipakna man-pilgija dake chanchianiko ong-ataha (jringjrotna siani) aro Jokatgipa aro Sakgipinko antangni palo chadengna nanganiko nikaha. Jokatgipa gride, darangba janggi jokna ka-dongani dongjachim. Matburunrangko hom boli on-ani kamrangchi Isol An-tangni saksakamkam Depanteni manderangni paprangna sichaknasiako mesokaha **(1 Korinthirangna 15:3)**. Jisuara uamangni Jokatgipasan ong-aijaha, indiba uamangni palo ong-gipa Jokatgipaba ong-aha **(Ibrirangna 9:28)**. Jensalo Johan Napbolatgipa Jisuko grongahaon, ua aganaha, "Hiawa nibo, Isolni Mes Bi-sa, a-gilsakni papko ra-anggipa" **(Johan 1:29)**. Niam Gitchamo, manderang janggi jokaniko man-na chisolsachchiko niahataha. An-ching janggi jokaniko man-na Sko Bikrokko nipilalataha. Janggi jokna darangoba gipin chol dongja jechin an-ching jokna man-gen **(Watatarang 4:12)**.





9

Maikai toRomrangna tambuo matburungranko hom boli on-aha, aro mai miksonganio on-aha?

“Aro homni skoni kosako ua an-tangni jakko dondapchina; unon una nangrimaniko dakna ine uko una ra-chakgen ... Ganchini sambao, salgrochipak ua uko so-otchina”
(Levirangni 1:4, 11).

Aganchakani: Jensalo papi mande hom bolina matburungko toRomrangna tambuni sa-raona ra-baahaon, kamal una atteko aro soreako una on-egen. Papi mande an-tangni jakrangko matburungni skoo done an-tangni paprangko ku-rachakgen. Ian papi mandeni an-tangni papko matburungona ra-angskaa gita mesokani chin ong-a. Ua somoionin papi mande dos dongjaha aro matburungsa dos dagkipa ine chanako man-aha. Da-ode matburungsa dosi dagkipa ine chanako man-ahani gimin, papni sastiko man-skana nangaha—uan siani dormaha ong-aha. Ua an-tang jaktangchi so-otaniara papi mandena papni giminsa dosi grigipa matburung sina gita nangskaaha aro an-tangni papni gimin dosi grigipa Messia sina nangskagnokchim ine skianiko man-aha.


10

Basako mande jinmana matburungko hom boli onaniko dakrongachim, Maiko kamal anchi baksa dakronga? Ian maiko mesoka?

“Unon to nonggimin kamal matchu charani an-chioniko gronggrikani tambuona ra-bachina. Aro kamal an-tangni jaksiko an-chio simbole uko Jihovani mikkango, peng-ani barani mikkango, changsni satkikichina” (Levirangni 4:16, 17).

Aganchakani: Jensalo mande jinmani papna hom boli on-aniko dakon, Jisuni palo chadenggipa kamal an-chiko, (Ibriangna 3:1), toRomrangna tambuona ra-anggen aro kuturi gegniko dingtangtgipa dongpenggipa ba-rao satkikianiko dakaha. Dongpenggipa ba-rani samsachipako Isol donga. Indake, manderangni paprangko ra-galaniko daka aro mesokani gita toRomrangna tambuona ra-anganiko dakaha. Kamalchi an-chiko ra-e dangdike on-ani kamara Jisuni salgio an-chingna dangdike on-aniko dakjagringsoaha.

Chisolsako Jisuni papni a-sel sichakani ja-mano, Ua chakatpilaha aro an-chingni kamal ong-e salgio Uni an-chini gimin dangdike on-na salgiona doangaha (Ibriangna 9:11, 12). A-gilsakni toRomrangna tambuo kamalrangni an-chini gimin dangdike on-aniara Jisuni salgini toRomrangna noko jensalo an-ching Uni bimungo pap ku-rachakaniko dakon Uni an-chiko jakkale an-chingni paprangko serikaoniko ra-gale kema watanina kam ka-aniko mesoka (1 Johan 1:9).



11

ToRomrangna tambuo dangdike on-anirango pangchake, maia minggni mongsonggipa dakna man-ani bilrango Jisu An-tangni manderangna dangdike on-aha? Maia aiao inmanpilgipa namgnirango an-ching Uni ka-sae dangdike on-aoniko man-a?

"Maina an-chingni watchangani, Kristo, boli on-gimin ong-aba ong-aha" (1 Korinthirangna 5:7). "Indide salgirango batanggipa, Isolni Depante Jisu, an-chingni dal-a kamal dal-gipa ong-ani gimin, an-ching ku-rachakako kimkim rim-na hai. Maina an-chingni kamal dal-gipa an-chingni bilgrirangna duk man-pana amgijagipa ong-ja, indiba pap gri pilakni gimin an-ching gita dakmajoako man-aha. Uni gimin an-ching ka-saani singhasonona kenmangija sepangna hai, maikai an-ching ka-sachakako man-gen, aro nangani salo dakchakna ka-saako man-gen" (Ibrirangna 4:14-16).

Aganchakani: Jisu anchingni paprangna Boli on-gimin ong-e aro salgini Dal-gipa Kamal ong-e dangdike on-aha. An-chingni boli Mes Bi-sa aro an-chingni Palo ong-e Jisuni sichakanian, aro Uni an-chingni salgini Kamal ong-e bilakgipa dangdike on-jringani minggni aiao inmanani kamrangko chu-sokataha:

- A. Batanggimin pilak paprangko kema watani baksa, Gital atchiani, chong-motan chu-gimik janggi tanganio dingtanganiko man-aha. (Johan 3:3-6; Romrangna 3:25).
- B. Da-o aro mik kangchi chong-motgipa janggi tangna bilko on-aha (Titusna 2:14; Philippirangna 2:13).



*Jisu, an-chingni Boli ong-e,
an-chingni pilak paprangko kema
ka-e an-chingni janggi tanganina
chu-gimik dingtanganiko ra-baaha.*



*An-ching Dal-gipa Kamal ong-e,
Jisu an-chingna da-o aro
mikkangchi chong-motgipa
janggi tangna bilko on-aha.*

Ia minggni aiao in manggipa kamrang mandeko toromi ong-ataha—jean chong-motgipa nangrimaniko mande aro Isolni gisepo dakani ong-a ine miksongani ong-a. Uano mandena an-tangni kamrangchi toromi ong-na dakna man-ani chol aro rama dongja maina toromi ong-nade aiao inmanani kamrangko nanga jekon Jisuosan chu-sokatna man-a (**Watatarang 4:12**). Mandeara Lokatgipao ka-dongesa toromi ong-na man-a jekon ua an-tangnade dakna amja. Iako Sastroni gita “bebera-achi toromi ong-ani” ine miksongani ong-a. An-ching Jisuko an-chingni janggi tanganirango sason ka-gipa ong-china agana aro an-ching Un baksa chu-gimik bakrimaniko dake nangenggipa aiao inmanani kamrangko ka-na Uo ka-donga aro pangchaka. Ia toromi ong-ani, jean aiao inmane an-chingna Kritoichi chu-sokataha, iasan chong-motgipa toromi ong-ani ong-a. Gipin rokomde tol-pnikanisan ong-aia.

Aganachakani:

- A. Ua an-chingni batanggimin paprangko pindapgen aro an-chingko dosi chanjawaha (**Isaia 44:22; 1 Johan 1:9**).
- B. Anching abachengonin Isolni bimango ongatako manaha (**Abachenga 1:26, 27**). An-chingko Isolni bimangona ong-atpilna Jisu ku-rachakaha (**Romrangna 8:29**).
- C. Jisu an-chingna toromi ong-e janggi tangna skaniko on-aha aro indake uko chu-sokatna an-chingna bilko on-aha (**Philippirangna 2:13**).
- D. Aiao inmangipa bilchi, Jisu Isolko namnikatgipa kamrangkosan katchae ka-na an-chingna on-a (**Ibrirangna 13:20, 21; Johan 15:11**).
- E. Ua an-chingoniko siako ra-gale Uni pap gri ong-gipa janggi tanganichi aro sichakanichi an-chingna toromi ong-aniko on-aha (**2 Korinthirangna 5:21**).
- F. Jisu re-bapile an-chingko salgichina rimdojana kingking bebe ong-anio an-chingko rakkina daitoko jako ra-e kam ka-engaha (**Philippirangna 1:6; Juda 1:24**).

Jisu ia pilak rasongan gapgipa ku-rachakanirangko nang-ni janggi tanganio chu-sokatna tarie dongenga! Na-ara tariama?



13

Mandeara bebera-achi toromi ong-na gitara maiba dakna nangani dongama?

“Angko Gitel, Gitel, ingipa pilakan salgini songnoko napna man-gen, ia ong-ja; indiba salgio donggipa angni Paani namnikako dakgipasa” (Mati 7:21).

Aganachakani: Oe. An-ching Uni Pagipani namnikako dakna nanggen ine Jisu aganaha. Niam Gitlamni salrango, je mandean chong-mot ong-e gisik pil-na mes bi-sako hom boli on-na ra-bajringgen, ia an-tangni papna duk ong-ani aro an-tangni gisik ka-tong gimikchi an-tangni janggi tangao Gitelni dilaniko man-na skaniko mesokenga. Da-alo, an-ching toromi ong-na aiao inmangipa kamrangko ka-na man-jaoba, an-ching salantion Jisuna on-kangtaitaina nanga **(1 Korinthirangna 15:31)**, an-chingni janggi tanganirangko re-dilna Uko okamna nanga jedakode ua aiao inmanani kamrangko nikna man-gen. An-ching bamna sikna nanggen aro Jisu bachina dilenga uko ja-rikna nanggen **(Johan 12:26; Isaia 1:18-20)**. An-chingni papni bewalrangan an-tangtangni namnika gita draatako man-aha **(Isaia 53:6)** aro indake an-ching Satanni a-bachengo dakaha gita **(Isaia 14:12-14)** Isolni kosako bobil dake chakataha. An-chingni janggi tanganirango Jisuko sason ka-na on-nara basakobade mkronko ote galna ba jakko den-sote galatna neng-beani gita **(Mati 5:29, 30)** namen neng-ani ong-a, maina papchi pekatako man-aha aro Isolni aiao inmangipa bilchisan chena gita amgen **(Mark 10:27)**. Bang-an bebera-aniko daka je Jisuan uamangni kamrang jegita ong-oba janggi jokaniko bebera-ode salgichina rimangaigen. Indiba indakede ong-ja. Ian tol-napanisan ong-aia. Kristian mande Jisuni dakmesokaniko ja-rikna nanggen **(1 Pitor 2:21)**. Jisuni bilagipa an-chini bil iako an-chingna chu-sokatgen **(Ibrirangna 13:12)**, indiba ian an-ching an-chingni janggi tanganirango Jisuni chu-gimik sason kaani bilo on-na nanggen aro jechi Ua dila, ramarang ga-nangjaoba **(Mati 7:13, 14, 21)** uchi re-na nanggen.





14

Namgrimatani salara maia?

Aganchakani:

A. Ian bilsio changsa bichal ka-ani sal ong-a—jekon Nangrimatani Sal ine mingaha—Israelo ong-aha (**Levirangni 23:27**). Pilakan pilak papna gisik pil-na nangahachim. Jerangan gisik pil-na jechakaha uamangko ua salon Israelni a-tiponiko galataha (**Levirangni 23:29**).

B. Manggni dobokrangko baseaha: Mangsade, Jihovani do-bok ong-a; manggipinde, Azazelna ong-a, jean Satanko mesoka (**Levirangni 16:8**). Jihovana ga-akgipa dobokko so-otachim aro manderangni paprangna boli on-aha (**Levirangni 16:9**). Indiba ia salo anchiko Rongtalbatsranggipa Kuturiona raangaha aro pap watramni kosako satkikidapaha (**Levirangni 16:14**). Ia dingtangmanchagipa bichalni salosan



Isolni Do-bok Bipa ra Jisu Kristoni an-ching Janggina sichakgniko Miksonga



Isolna ga-akgipa do-bok Jisuko mesoksogipa ong-a, jean an-chingni paprangna sigenchim.

mangmang dalgipa kamal Rongtalbatsranggipa Kuturiona pap watramni mikkango Isolko grongna napangaha. An-chiko satkikianiako (Kristoni sichakaniko mesoka) Isolchi ra-chakaha, aro manderangni ku-rachakgimin paprangko toRomrangna tambuoniko dal-gipa kamalona ra-angskaha. Uni ja-mano ia ku-rachakgimin paprangko ua azazelona ra-angskaha, jekon bakraona watataha (**Levirangni 16:16, 20-22**). Ia bewalo, toRomrangna tambu manderangni paprangoniko rongtalatako man-ahachim, jekon dongpenggipa ba-rani mikkangona an-chiko satkikiachi ra-angaha aro jean bilsil gimikna chimonge dongahachim.

15

Nangrimatani Salara Isolni dal-begipa janggi jokatna miksonganiko mesokani bak ... ba dakjagringani ong-ama, jedake a-gilsakni toRomrangna tambuo aro dangdike on-ani kamrango dakaha?

"Uni gimin salgirango gnaggi-parangko dake mesokanirangkode iarangchi, indiba salgini chong-motrangko iarangna bate nambata bolirangchi rongtalatna nanga" (Ibrirangna 9:23).

Aganchakani: Oe. Ua salni dangdike on-ani kamrang salgini toRomrangna nokdringo chong-motgipa Dal-gipa Kamalchi papko kimite galaniko mesokaha. Uni an-chiko ong-atanichi janggini ki-tapo sea man-giparangna jakkalaha, An-tangni manderangko pangnajolna dangdike on-china basee ra-aniko Kristo mangrakatgenchim. Ia dingtangmanchagipa bichal ka-aniara, Israelrangni somoio Yom Kippur gita chacha ong-a, jean a-gilsakna bon-kamgipa namataniko dakna dakjagringaha. Chengoni dakronggipa bilsini Namatani Salni bilsiprako ong-atgipa chinoniko ka-donganiko man-a je Jisu, an-chingni Dal-gipa Kamal, salgio An-tangni manderangna baltichakengkua, aro Uni an-chi ong-atanio bebera-gipa sakantini paprangko kimite galna tarie dongenga. Bon-kamgipa namatani kam bon-kamgipa bichal ka-aniona dilanga, jean mande sakantini janggi tanganio papni gimin namatna kamko ka-a, jean janggi ba siani biteko ong-ata.

Nangchongmotgipa Obostarang

Gipin Poraiani minggni lessonrango na-a nikna man-gen je a-gilsakni toRomrangna tambu aro dingtangmanchagipa Namatani Salara bon-kamani somoio nangchongmotgipa obostarangni ong-gniko dakjagringsoaha, jekon Isol salgini to Romrangna nokdringo chu-sokatgen.



Bichal Ka-na Tarik

Gipin Poraiani lesson, an-ching nangchongmotgipa Sastroni katchinike seanirangko sandie nigen jeon Isol salgio bichal ka-aniko a-bachengna somoiko donaha. Ian gisikko ding-atani ong-jama!

16

Isol iani gimin parape-aniko dakon, na-a an-tangna gital dake nikgipa bebe ong-aniko ra-chakna sijjawama?

Nang-ni Aganchakani:

Nang.ni agananiko ba sing.anirangko iano sebo

Ia Poraianiko Dakdilani lesson 27ni lesson sa ong-a.

Poraianiko Dakdilani lessonprakon aiao in mangipa chong-mot ong-anirangchi gapataniko man-aha jean nang-na aro nangni nokdangna namgni ong-gen. Mingsakoba watchanggalnabel!

Poraiani 15: Antichrist Sawa?

Poraiani 16: Kosakoni watatgipa Sa-greni Nama Kattarang

Poraiani 17: Isol Miksonganirangko Tarisoaha

Poraiani 18: Tik Dongimin Somoio!

Poraiani 19: Bon-kamgipa Bichal Ka-ani

Poraiani 20: Matburungni Chin

Poraiani 21: Sastroo USA ko Katchinike Agansoani

Poraiani 22: "Sakgipin" Me-chik

Poraiani 23: Kristoni Namchik

Poraiani 24: Isolara Sima Nigiparangko Dilahama?

Poraiani 25: An-chingara Isolo Ka-dongchakama?

Poraiani 26: Dingtangatna Man-gipa Ka-saani

Poraiani 27: Re-bapilani Dongjava

Jensalo na-a Poraini 14 ni skanggipako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

la Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(✓)- ko donbo. **Parenthesis-o ong.gipa number-rang (1) badita ming aganchakanirang ong.a uko mesoka.**

Form-ko gapatna “Adobe reader” ko jakkalbo.

1. Maia jakkalani bosturang toRomrangna tambuni sarao dongachima? (2)

Pap watani Chokkirang
Sorea Hom Boli on-anirangni
ganchi

2. Pap watramni kosako Isol donga. (1)

Oe Ong-ja

3. Sentence ge.prankko matchotna gita ka.mao bangbanggipa biapo katta mingprakna skang donggipa alphabet-ni oikor-ko donbo. (4)

**A Chisol B Jisu C rongtalani D bi-anirang
E seng-a**

Mesokani: Hom boli onanirang **A** ko mesoka.

Soreani chi papko mesoka

Mesokani pitani tebil ko mesoka jean tanggipa
pita ong-a.

Gasa bolsni Jisuko mesoka, jean a-gilsakni ni
ong-a.

Cha-chatko so-ani ganchi Isolni manderangni
mesoka.

4. ToRomrangna tambuni aro uni kamrangni miksonganiara (1)

Sa-grerangni gimin manderangna u-ina dakchakna
ong-achim.

Manderangna be-en chaaniko on-na ong-achim.

Janggi jokaniko on-na miksongani chin ong-achim.

5. Sawa ToRomrangna Tambuko rikna noksa salaha? (1)

Noah Aaron
Sa-gre Isol

6. Ge-eta Mingchikkungrang ku-monggrikani niam sundukni ning-o ong-achim. (1)

Ong-a Ong-ja

7. Bolina soota mangipa matburung (1)

Gisik Rongtalgipako mesoka

Dagrik dinggrikaniko mesoka

Jisuko mesoka

8. ToRomrangna Tambuo pangchake, maia minggni dakna man-ani bilo Jisu an-chingna dangdike on-aha? (2)

Raja Dal-gipa Kamal
Hom Boli A-gilsak salgisakko sason ka-gipa

9. ToRomrangna Tambuni gimin badiarang bebe ong-achim (2)

Uno kuturi ge-gittam donga

Uan ba-rachi ping-gipa nok ong-achim

Uan 500 feet gro aro 1,000 feet gipenga ong-achim

A-palnirangko sonani krongrangchi aro mosina ba-rachi
tariachim

Nokkingrangko Egyptni itrangchisa tariachim

Su-srangchakaniko rongtalbatsranggipa kuturio
donahachim

10. Bebera-achi toromi ong-anisan chong-motgipa toromi ong-ani ong-a (1)

Ong-a Ong-ja

11. Bebera-achi toromi ong-ani (1)

Mandeni kam ka-achisa re-bara

Napbolachisa ong-a

Kristo Jisuo be-beraachisan ong-na man-a

12. Papi mandeni bolina ra-bagipa matburungko sawa so-otaha? (1)

Isol Papi mande
Kamal

13. Jisuni ong-gipa toromi ong-ani gimin badia agananirang bebe ong-a? (3)

Ian Isolni bimangona ong-atpilani ong-a

Ian aiao inmanani kam ong-ja

An-chingni nama kamrangni uni dal-gipa bak ong-a

Ian an-chingni batanggimin pap ka-gimangko pindapa

Ian an-chingko kakket ong-e janggi tangna skata

Ian an-chingni watgalna sigkigajipa paprangko pindapa

14. Namatpil-ani salni gimin kamao on-sogimino badia agananirang bebe onga? (4)

lan jarikitan ong-a
lan bichal ka-ani sal ong-achim
lan kal-grike roani aro kusi ong-ani sal ong-achim
lan bon-kame bichal ka-aniko mesoka
Azazelara Satanko mesoka
An-chiko rongtalbatsranggipa kuturiona ra-anga

15. Toromi ong-aniara Isol baksa chong-mot nangrimani ine miksongani ong-a. (1)

Ong-a Ong-ja

16. Matburungko so-otaniara papara pilak manderangni kosako siani sastiko ra-bara ine u-ina dakchaka. (1)

Ong-a

Ong-ja

17. Na-ara Kristoni toromi ong-aniko ra-chakna skengama, jean pap kema ka-aniko, paponi rongtalaniko, aro da-o aro mikkangchi janggi tangna bilko man-gopaha?

Ra-chakna ska

Ra-chakna sikja

Kosako sing.anirangna bon.e aganchakbo!



Nang.ni bimung, email aro phone no. ko enroll ka.na gita gapatbo.

Nang.ni minggipin indin on.gipa Study guide-ko man.a gita "Submit" ingipao click ka.bo.

Nang.ni bimung :

Nang.ni Email :

Phone Number :

Nang.ni Address :

City, District :

State :

Country :

Pin :

Bils :

Misi :

Nang.ni contact info-ko tik dake on.bo